

長篇連載專欄

仙人樂園



◎ 胡文池

古時，中國大陸時常發生戰亂，是搶劫，致使災民家破人散，一kóa有知識人逃往深山，半耕半讀，享受安靜清幽的生活。Tī chiah-ê人當中，有ê精通醫術，採藥煉丹，有時陣下山救濟病苦。後來ê小說家將in理想化，號in做「仙」或者是「仙人」，進一步將in戲劇化，描寫in有仙術，ê-tàng騰雲駕霧，有hō人起死回生ê妙藥「仙丹」。其實「仙」字就是「山」kap「人」合作夥字，mā就是山地人ê意思。台灣光復時，布農族人口有一萬八千人，khia起tī以玉山為中心ê深山所在。

六十年前，布農族千卓萬支派頭目烏蘭(Ulan) iáu ê-tàng唸出in前十代祖先ê名。可見布農族tī台灣ê歷史siōng少mā有一千年時間，當時人口chia少，平地廣大，in ê祖先為啥物選擇深山定居，一定有相當理由。

聽講，in是因爲洪水氾濫，chiah往深山逃避定居。但是，一般族人lóng講，tī山坡地挖土種作，m免彎腰過度，所以chiah愛khia起tī山地，án-ne講確實mā有道理。

原住民身體勇猛，單純、愛līm酒，智識iah bē開。雖然日本人bat tī各庄頭設立教育所，可惜無正式教員，由警察兼任教導，教育khah chhin-chhái，效果無好。

光復前，族人ê生活非常簡單，全部ó靠上帝所造ê大自然免費提供。居留ê土地是祖先傳落來--ê，m免納稅。衫褲是獸皮或者是查某人編織ê粗麻布，耐穿koh m免tiā洗。食物是家己種ê 番麥、小米、番薯，除非久旱，土地thang充分提供糧食。

肉類是上帝所飼養ê樹林野獸kap家畜。若獵到山鹿，m-nā有肉食，iáu thang高價賣鹿茸、鹿鞭。所得ê收入thang買烏布做裙kap其他雜品。In 無桌椅、衣櫃等家具。枕頭kap小椅是用柴頭造--ê。餐具是一支木刻ê湯匙，m免碗。食飯時，大家做夥khù tī大鍋邊仔，逐人用湯匙khat飯直接送入口。

眠床是家己做ê大柴頭板眠床。M-koh因爲無棉被，寒天就khù tī火堆周圍取暖。Chit種生活，項項lóng m免開錢，無像平地人，

每工起床就beh爲生活傷腦筋。In 無爲職業煩惱，mā無爲上班緊張，koh-khah m免辛苦k h e h公車。生活悠哉快樂。

Tī山地無車禍，mā無空氣污染，koh-k h a h 無噪音擾亂安眠。日本時代，in 用ê鹽、煤油、少量粗布lóng是交換來--ê。光復當時mā是thèh番薯、鹿皮、薪木等山產來kap平地商人交換。

Tī in厝內，無金銀財寶等貴重物件，自然就無chhāt-á光顧，koh-khah無搶劫殺人ê事發生。所以原住民ê厝無裝鐵窗、鐵門，外出時mā無鎖門ê必要。

In無時鐘iah是手錶，卻有眾人lóng看ê著ê自然大時鐘一日頭。「日頭出來作事，日頭落山休歇」。Kan-nā看日頭ê位置，kā時間分做日出，日向上(頂埔九點)，日頭siōng高上(中晝)，日向下(下埔三點)，日落山kap雞鳴時，án-ne就有夠安排工作計劃。In mā無日thiap-á，kan-nā看月娘算日子，看天氣溫度來做事。

In ê音樂真有特色，像大山穩固，用do、mi、so三音全時發聲合唱，唱出ê合音hō人有沈重莊嚴ê感受。

日間有鳥仔美妙ê歌唱，暗暝有各種蟲ê旋律大合唱，加上溪水，風吹ê伴奏，已經有夠hō原住民心曠神怡。Chit種安祥有情趣ê生活，是城市人所bōe-sái享受tiòh--ê。「一日無事小神仙」，逐日、長年ê-tàng過chit種安寧平靜ê生活，山胞koh-khah thang號做「仙人」--ah。

M-koh日本人統治中期，爲tiòh管轄方便，強制將in sóa去óa平地ê山腳地。搬sóa了後，因爲受瘧病之害，koh受平地人剝削生活窮困，加上līm酒，生活koh-khah悲慘--ah。

(待續)

《Seedig Bale》 鍾鐵民 kap台灣文學



／ 蔣為文

聽著伊tī電視講chit號話，in某月里真gēng，伊想bē到翁婿ê chiah狠毒，kā六歲ê幼囡thāu--死，ta聽伊講著無bán無chhoah，心內ê寒(hân)，嫁伊六冬，chham伊經營診所，禮拜上帝，thài ê lóng m知伊是chit款惡質ê歹徒。

「人講，晒破三領草蓆，心肝掠bē著，to有影！」月里吐一口大氣。

出代誌了後，專工走來陪伊ê阿母，kā攬--leh，「月里--ah，振球的實(tek-sit)歹心毒行，m-koh，是講伊若chiā實人像in小弟án-ne疥--去，thài koh ē家己去自首，你看伊hia h定著ê樣相，若有影精神有問題，kám無真恐怖...好佳哉m是去傷害著你！」

因爲兒童少年保護法，盼信ê相bē-sái tī媒體出現，m-koh，網路頂，過身ê因仔ê相片全款傳來傳去，逐ê lóng罵che養爸是殺人魔，連chiah-nī古錐ê因仔to害著--死，無罪可擬，一定ài kā判死。就是chit-ê因端，檢察官李滄賢感覺有蹊蹺，網路頂ê相片，黃振球--ê hām黃盼信--ê一下對比，面模仔soah sio-siāng-á-sio-siāng，chit-ê黃振球講黃盼信m是伊親生--ê，是chhō轉來io--ê，凡勢是teh白賊，無的確就是伊tī外口ê夥計仔囡，因爲驚in某知，講kioh是領養--ê，ta若是伊親生ê因，beh擬罪自然無全，koh再講，若chia-ê chhui論正確，mā ê-tàng解說黃振球thài因ê動機，檢采就是驚tī外口偷生ê代誌piak空，chiah ē殺人滅口。李滄賢想想--leh，決定傳in某蔡月里問hō樹酌。

黃振球自首了後，李滄賢就bat chhōa一陣警察

◎ 田岡良

小弟 (2)

來厝--裡搜查，mā有tī hia問月里問beh兩點鐘久，chit擺檢察官傳伊去問，月里感覺實在無啥必要。

「檢察官，我知影ê代誌lóng已經講hō你聽--ah，m知你koh beh問啥，是按怎ài ikoh走chit chōa-leh？」

「是án-ne啦，阮beh寫起訴書，總是tiòh明察秋毫，m-chiah有一寡代誌ài koh問hō khah詳細。」李滄賢tùn-te一囑，就直拄直問蔡月里講：「你想，黃盼信kám有可能是恁翁ê親生因？」

月里大tiòh驚：「你是講...伊kap別ê查某生一個因仔？」

「M是我án-ne講啦，che kan-ta是我ê問題，to...án-ne問有khah失禮，恁翁仔某感情按怎？」

「李--先-生，感情...m敢講恁好拄恁好，m-koh，beh講振球tī外口有查某，我感覺實在無啥可能。」蔡月里接落去講：「講無啥可能，m是ùi阮ê感情講--ê，是ùi振球ê生活來講--ê。」

「請你解說。」

「是án-ne啦，振球ê診所生理真好，平常時仔早起九點開k ah暗時十點，除了食飯，lóng無閒

chih-chhah，kan-ta hioh拜六禮拜，m-koh，就準拜六禮拜，阮mā是固定去躡tī滿仔坑ê別莊hia，伊便若去tī hia，mā無teh出門，lóng m關tī實驗室做伊ê研究，實在是一個真認真ê醫生。」

「Chit點我有注意著，黃振球chit幾冬來，確實發表真濟篇重要ê論文，對一個家己開診所ê醫生來講，che真罕見。是講，黃盼信ê年歲，看起來是恁結婚hi跤兜出世--ê，kámê恁翁kap你結婚進前，另外有對象？」

「Chiū我所知，是無--neh，伊ê生活不止仔單純，六十出頭chiah娶--我，koh是人介紹對看--ê...檢察官，你是按怎ê懷疑盼信ê身世--leh？」

「因爲...in ê生張...」

等李滄賢看過蔡月里péng--出-來ê相簿，看著黃振球細漢ê相片了後，伊更加確定黃盼信絕對m是養子chiah單純，che明明是一件thāu死家己親生因ê人倫悲劇，若beh查hō透尾，tiòh ùi領養ê過程chhiū起。

因爲án-ne，伊koh走去查黃盼信ê資料，chiah知伊是出世了後hông tàn tī路邊ê因仔，根據報案ê記錄，拏著因仔ê人號做趙錦華，了後，拄結婚ê黃振球chia h辦手續kā黃盼信chhōa轉來io，其中，趙錦華，竟然是黃振球tī醫學院ê同窗！李滄賢查k a h chia，就有直覺--ah，che黃盼信kám ē是黃振球kap趙錦華ê因仔？若hit-ê時chūn，黃振球是iáu未娶，m-koh趙錦華已經做阿媽--ah，想--起-來無啥tiòh--leh，趙錦華六十出頭kap黃振球生一個因仔，天師壇出鬼koh！？

問題是，chit條線mā斷--去-ah，因爲趙錦華chūn年已經過身。

趙錦華kah若無tī人世間，除了透過DNA來檢驗，ê-tàng問--ê，就kan-ta黃振球--ah。

到chit-ê坎站，李滄賢認爲證據收集kah差不多，ê-sái先調犯人來問，凡勢黃振球家己講破，就免ke了工採樣送刑事局檢驗科。

黃振球hông提訊ê hit i e-po，全款面仔笑笑，tī伊ê身軀頂，一sut仔退悔憂悶ê烏雲to無。

「黃振球，你tī看守所過了bē bái--hōh！」李滄賢看伊chit號體態，有淡薄仔受氣，chit-ê thài因了後soah老神在在ê老爸，mā hō伊有一點仔驚驚，中晝食ê便當菜tī胃--裡péng-ká，hō伊略仔想beh吐。伊sòa落去講：「你mài想講自首ê-tàng減刑就無要無緊，ē去thài死無辜ê因仔--ê，m是普通ê惡質，自細漢詞kah大ê因仔，照講是chiok有感情，soah ê-tàng kā thāu死，實在無人性！Koh來，若是thài死親生因，你想，法官ê按怎想？」(待續)



陳文成教授紀念基金會

本基金會地址：
Dr. Pin-Shuo Liu CWCMF P. O.
Box 136, Kingston, N.J. 08528

各位同鄉：

陳文成教授紀念基金會自一九八一年成立以來，在熱愛台灣，關心陳文成事件的同鄉支持下，一直不餘遺力的爲台灣的民主，人權在打拼。二十外年來，本基金會每年在美國和台灣頒發五至七名的獎學金，一方面肯定得獎學生們的努力和成就，一方面也鼓舞了更多的台灣學子來關心台灣。二十外年來，本基金會會發行《台灣文化》雜誌，舉辦週年紀念會，贊助台灣人作家寫作，邀請台灣作家，文化工作者訪美，舉辦紀念音樂會，舉辦台灣藝術花展，協辦二二八劇展《未完成的夢》及各式各樣的文化及政治活動。並長期支持《台灣公報》(Taiwan Communique, <http://taiwandc.org>)，《台灣學生》(台灣學生社 Taiwanese Collegian, <http://tc.formosa.org>)和ITASA (<http://itasa.org>)。

近年起我們除了固定的獎學金外，更在陳文成生前執教的Carnegie Mellon University設立一個紀念陳文成的獎學金。自2001年起島內的台美文化交流基金會也在我們美國的同鄉鼓勵下獲得正名為陳文成教授紀念基金會。